

QUÆSTIO MEDICA,

QUODLIBETARIIS DISPUTATIONIBUS,
manè discutienda, in Scholis Medicorum, die Jovis
vigesima-quarta Januarii.

M. ANDREA CRESSE', Doctore
Medico, Præside.

An proxima quâ corpus alitur materia chylus?

I.

QUAM venientis ævi tractu vel longissimo sobolis seriem
exhibitura est fœmina quælibet, ejus sinu in breve coactam
& ad amissum delineatam contineri qui affirmat, abunde
Oedipi, jejunè partes defendit philosophi. Totum qui nascitur ho-
minem novum esse rectius putaveris. Solus cæterorum animalium
intelligentiâ & sensu præditus est. Has dotes animæ debet extensio-
nis experti, figuræ, motus, loci, corruptionis nesciæ, corpori ta-
men, dum vita manet, obnoxie, cujus facultatibus exercendis
(quas nè quidem ullas novit) nullatenus necesse est ut intersit. Hoc,
undè habemus nutrirî, moverî, vivere, varium est pro diversâ, qui-
bus stat, partium formâ, situ, dignitate, functione, usu, à quo
nullum uspiam supremi Conditoris designari consilium qui contendit
(nè quid dicam apertius) Epicuri fautor, veritatis passim eviden-
tissimæ habendus expugnator. Quantum exporrigitur continuâ, alter-
nâque fibrarum & carnis, nè ipsis quidem ossibus denegatæ, texturâ
conglutinatum est. *Harum detrimenta non succi cujuslibet obvii, sed
affinis & quam maximè familiaris assiduâ adjunctione sarcinuntur.*

II.

NON pariter undequaquè absumimur. Soli ferè ætatis injuriæ
fibrarum exposita est sui tenacior soliditas; ut minui, sic penè
nescia reparari. Cave illi deneges, fictitio & inani balsamo urgendæ
ad certam usquè metam vivacitatis privilegium attribuas; vel dic,
quid sæpè sæpius de peragendo quem natura dederat vitæ cursu, de-
duxit nihil, suum omne oleum inter morbi diuturnioris molestias

2

amifisse & ex iis unam propè ossium compaginein pelle amictam luridâ reportasse. Carnis vicissim mollitudo caloris edacitate graviter dissipatur & alimoniâ reecari prædixit, instaurarique desiderat. Multiplex esse & varium, quo proximè pabulo reficimur, nihil opus est; cui una eademque quaquaversum quam indefinenter renovet materia proponitur; eâ quæ fibras, ab alterâ quæ carnem constituit solo densioris compactionis titulo diserepante. Cum autem simplex illud & unicum, tùm huiusmodi esse debet ut operâ quàm expeditissimâ & tantùm non nudâ illius appositione (amat enim natura compendium) perpetua nostra substantia jactura redimatur; ejus certè commoditatis gratia ibi cumulatior subesse censenda est, ubi major eum alendi corporis communi & similari ubiquè materiâ conformitas reperitur.

I I I.

ERRAYERUNT majores nostri, graviter quidem; dùm partibus alimento defectis appetitum naturalem tribuerunt, quo emotæ, sugendo admonerent ventriculū suæ ut inopiæ succurreret. Hic tametsi non vocatus, eas audit, & undè ad saturitatem epulentur; promumagens vigilantissimum, continuò largiterque suppeditat. Ei aecedit facultas huiusmodi à succo quodam amicâ pungendi virtute exornato, ejus fodieatus aculeis edendi desiderio (si modus adsit) non injucundo perecellitur. Is succus non unice fami eiendæ, sed subigendis etiam & conoquendis alimentis utilis est. Simplex sit eibus, sit varius, solida liquidis, assis elixa, turdis conehylla misceantur; tùm illius, tùm caloris à vicinis profecti visceribus efficientiâ, suam omnem naturam perdunt, & chyli lactei cremoris æmuli proprietatibus involvuntur. Hic è ventriculo deturbatus in canales ab ætate nuperâ repertos se irrui, communi mox vastoque liquorum omnium alveo admittendus. Eò ut irrepsit, partes scinditur in diversas: salivam parturit, liquorem stomachieum, pancreaticum, mœum interioribus intestinis adhaerentem, bilem, lac, semen, lympham; sanguinem quoque, ex paululo videlicet quod eructat sulphureo & ruborem adipisci idoneo. Hi succi propè omnes, quod privatum singuli apportent commodum, satis liquet. De chylo, undè emanant, & sanguine, faturâ illius præcipuâ; utri alendi corporis sit honos deferendus, ambigitur; Nos (quod pæc Antiquitatis fiat) hunc sanguini malè partum eripere; chylo, propter eam quàm à naturâ obtinuit cum partibus nutriendis convenientiam, à sanguine prorsus exulem, asserere consilium capimus.

I V.

INTER varia quæ proponuntur partium discrimina, hoc primam ferè (præsertim apud eos qui nullo non loco turpe putant parere minoribus) fidem obtinet, ut aliæ spermaticæ, aliæ habeantur sanguinæ; temerè quidem, necre satis attentè pensitatâ. Ad primum caput referunt ossâ, tendines, nervos, ligamenta, membranas, ad alterum, cor, lienem, renes, pulmonem, jecur, quas ex solius pe-

nè sanguinis afflusi concretionem compactas quovis pignore asseverant. Earum mendaci rubore ducti, miserèque decepti sunt, alieno, non proprio, adventitio, non innato; qui vel ex ipso hepate, parenchymatum (ut vocant) primario, penitus evanescit & ut albedo quæ subest spermatica caput efferat, suo habitu locum præbet, si injectâ in illius portas repente aquâ liquor omnis quo, ut ita dicam, suffarcinatus est, eluatur; argumento certè non faciliè vincibili omnes ex quibus constamus partes, unâ esse & eâdem undequaque naturâ, solidâ nimirum & seminali insignitas. Hinc etiam (quod rei caput est) scire licet; chylo cum iis longè majorem quam sanguini familiaritatem interesse. *Ille enim & albus est & spissari præterea ac solidescere earumquæ adeo substantiam augere apprimè idoneus; Hic & ruber est & spiritus perfusus quamplurimo, avolare, dissipariquæ promptissimus; crassescere, impingi, adherere, (quæ succi mox nutrituri dotes sunt præcipuæ) prorsum nescius.* Non rarè igitur evenire meriti tibi persuadeas, ut nullâ quæ admodum conspicua sit urgente causâ corpus quasi succo omni ab eo defluente contabescat, chylo quidem quo nutritur defectum, sanguine vicissim quo assiduè deteritur circumfluens. Hâc proculdubid ægritudinis ratione premebatur, qui in Oeniadis decumbebat. Is macie penè confectus, nihil quidquam solatii, nec ab alimentis quantumlibet euchymis, nec à repetito sæpius medicamentorum vel suprà vel infrâ purgantium usu perceperat. Itaque ergo (quod quisvis facile crediderit) suspicatus Hippocrates, propter flammam quam intus alebat acriorem, chylum ei penè totum in sanguinem abiisse, venas non vice simplici, sed (exemplo quidem posteritatis imitationi minùs, quam admirationi proposito) dum æger exanguis evaderet, pluries depleri imperavit, ut igne quo tacite urebatur castigato, eâ chyli deinceps copiâ bearetur, quâ delibutæ & recreatæ partes, nativæ (quod evenit) habitudinis soliditati ac plenitudini redderentur.

V.

PROXIMA quâ corpus alitur materia sic comparata esse debet ut valdè liquida, dum *circulationis* (vel usquè ab antiquissimis indubitate temporibus) imperio subiecta est; eidem subducta & parti oblata nutriendæ vestem mutet, morâque penè nullâ soliditatis caracere, ad id munus obeundum præcipuè requisito, se involvat. At chylus hanc dotem quam non reperias in sanguine possidet summam. Id, pleraque inter alia, hydropicorum alvo conclusus humor, à chylo undè nascitur non admodum diversus, ostendit planissimè, qui vitro quidem dum paracentesi educitur perlucidior, & liquidissimus; igni postea impositus moderato obscuratur & soliditate mucaginis modulum imitatâ paulo momento se induit. Si quam exigua sanguinis moles, chyli quæ ubertas sit præterea attenderis, nulla tibi erit dubitatio, quin illum unicè spargendis quaquaversum spiritibus, hunc instaurandis partium detrimentis ultrò devoveas. Rem vel facillime

dijudices si incisâ pedis venâ liquorem tepente aquâ exceptum obser-
vaveris cujus multò maxima pars albedine chylum referens, clapsâ
minùs horâ, subfediſſe funditùs, rubra eaque pauxillula sanguinem
repræſentans, non mole, ſed propè uno quem ſecum portat colore
aquam auxiſſe agnoſcetur. Ipſa etiam ortus noſtri initia, cæteroquin
obſcuriſſima, cauſæ quam defendimus, non mediocriter favent. Nec-
dum enim (quod factæ in oviparis obſervationes conſtantur) ulla
ſanguinis nota materni ſeminis candorem vitiavit, cùm uteri ut ita
dicam incubatione, ſpiritus ex ſinu illius altiffimo elicitus, & ſuum
jam omne effingendi humani corporis abſolvit penſum & ejus alendi
quoddam quaſi tyrocinium exercere inceperat. Non autem enato
primulùm tunc temporis ſanguine aliâ, quàm cum nullus adhuc is
ſuberat materiâ fuimus enutriti, aut ſumus poſtmodùm reliquo om-
ni vitæ curriculo nutriendi. Sic igitur habeto perpetuam apud nos
ejuſdem illius quod ovo olim concludebatur colliquaminis generatio-
nem, viſcerum nutritioni dicatorum operâ, celebrari; cujus partem
agiliorem, parciorem & vi fermentationis acriùs diverberatam, ſan-
guinem nimirùm, ſufficiendis ſpiritibus: ſtabiliorem, uberio-
rem, & pacatam magis, chylum videlicet, alendæ corporis *υλομελῆς* natura
dedicavit.

Ergo proxima quâ corpus alitur materia chylus.

Domini Doctores diſputaturi.

M. Andreas Creſſé, Prae-

ſes.

M. Armandus - Joſephus
Collet.

M. Philippus Caron.

M. Ambroſius Nicolaus

Chemineau.

M. Joannes Gelly.

M. Joannes-Baptiſta-Ga-
briel Freſſant.

M. Renatus le Conte.¹

M. Franciſcus Afforty.

M. Nicolaus de Jouvauci.

Proponebat Pariſiis LUDOVICUS LEMERY,
Pariſinus, Baccalaureus Medicus. A. R. S. H. 1697.

Apud Franciſcum Muguet, Regis & Facultatis Medicinæ
Typographum.